

相無形無影觀之不見聽之又無響靈堂堂不搖不動目前甚
是明朗 人還省悟迴光返照莫向外邊勞攘放下諸緣屏除
萬事物物離心上迷雲消散性天獨露心月永無遮障與三界
一切諸仙並無兩樣

其二

行也無憂坐也無悶長安長樂息息綿綿朝朝暮暮保養神珠
一顆閑是閑非莫徇莫探大忌競爭人我滅無明心似寒灰便
是道人功果 猿兒不走馬兒捉住龍虎定中交媾陽降陰升
日來月往爐煉長生藥抽添鼎內不須炊爨自有九陽真火霜
心子明把天機與君說破

道藏輯要

鳴鶴餘音

三

黃集八

宣靜三臺

牛真人

自小飄蓬身心落魄雲游多在山東世間事看破渾是假想榮
華猶似夢中蓋箇庵兒隈山靠水栽松種竹成林炕暖窟明樂
清閑勝競利名月朗山東涼風細細南溪綠水粼粼漸煉得方
寸如灰冷一陽生玉鼎自溫 秀氣氤氳仙花爛熳芳芬開遍
黃庭玉女金童採將來煉就紫金運轉三關驅回四象冲和一
點靈明氣結神凝聽笙簫一派樂音夙世前緣生逢正教全真
妙道幽深行滿功成跨鸞鶴上太清

詠武夷

白玉蟾

憶昔秦時中秋日武夷九曲烟寂寂斜陽暝只寒鴉枯木三十